

ԱՂՃՆԻՔԸ ՍԵՊԱԳԻՐ ՇՐՋԱՆՈՒՄ

ՌԱՅԻԿ ԵԱՀԱՊԵՏՅԱՆ

Հայկական լեոնաշխարհի հարավ-արևմտյան հատվածը, որ ամփոփվում է Հայկական Տավրոսի և Արևմտյան Տիգրիսի միջև, խեթական աղբյուրներում կոչվում է *Alse, Alše* կամ *Alšija*, ասորեստանյան աղբյուրներում՝ *Alze*, ուրարտականներում՝ նույնպես *Alze* կամ *Alzine*, որը թե՛ անվամբ և թե՛ դրադեցրած տարածության փաստորեն համապատասխանում է հետագայի Մեծ Հայքի Աղձնիք նահանգին:

Գիտական գրականության մեջ խոսվել է ոչ միայն Աղձնիքի անվան ծագման և ստուգաբանության, այլև նրա խաղացած դերի ու նշանակության մասին: Օրինակ, Վ. Բելքը այդ կապակցությամբ գրում է. «Շատ քիչ ծառայություն ունին աշխարհագիրը և պատմության քննիչը Աղձնեաց վերա: Ամեն բանն առաջ մեր գործը պիտի ըլլա՝ քննել, թե արդյոք այդ նահանգի անվան մեջ երկրի նախահայ անուն մը ծածկված է, թե ոչ»¹: Իսկ Հ. Հյուբշմանի մոտ կարդում ենք. «Աղձնիք միշտ նահանգի անուն է, որովհետև Աղձնիք անունը, որ հոգնակի միայն գործածված կա, երկիր կցուցանե և Աղձնի եզակին չունի, ուստի գեթ պատմական ժամանակներուն մեջ կերևա, թե ժողովրդի մը անուն համարված է չէ և կրնանք բնիկ երկրանուն համարել»², Համաձայն մի ուղեգրության, Աղձնիքի անվան ծագումը կապված է Արզն և Քեղ գավառներում գոյություն ունեցող հանքերի հետ³, որը, իհարկե, ընդունելի համարել չի կարելի:

Ինչպես ասվեց, Աղձնիքը առաջին անգամ հիշատակվում է խեթական արձանագրություններում: Այսպես, խեթական արքա Մուպպիլուիլումա I-ի (մ. թ. ա. XIV դ.) քաջադերձն արձանագրություններից մեկում այն հիշատակվում է որպես Ալսե երկիր, որը տարածվում է Արածանիի ստորին հոսանքներում գտնվող Իսուվա երկրի և Արևմտյան Տիգրիսից հարավ գտնվող Միտաննի պետության միջև⁴: Ինչ վերաբերում է Աղձնիքի զուտ խեթական անվանը, ապա այն արձանագրություններում հանդիպում է Ալծիյա ձևով, որտեղ վերջին «յա»-ն խեթերենի պատկանելիություն ցույց տվող ածանցներից մեկն է⁵: Արքազական արձանագրություններում Աղձնիքի տարածքը (առանց անունը նշելու), որպես շուբարիական երկիր, հիշատակվում է Ադադներարի I-ի (1307—1275 թթ. մ. թ. ա.)⁶ մոտ, կապված Աշուրուբալիի I-ի (1365—1330 թթ. մ. թ. ա.) և Ալշեի տիրակալի միասնական ուժերով Միտաննի պետության

1 Վ. Բելք, Աղձնիք («Հանդես ամսօրյա», 1904, էջ 66):

2 Հ. Հյուբշման, Հին Հայոց տեղի անունները, Վիեննա, 1907, էջ 74:

3 Տե՛ս Պետրոս Կալհոկեցի, Ասիական ճանապարհորդութիւն ի հայրենիս, Կ. Պոլս, 1881, էջ 63:

4 В. Н. Хачатрян, Восточные провинции Хеттской империи, Ереван, 1971, с. 114—115.

5 Նույն տեղում, էջ 107, ծան. 255:

6 Э. Бикерман, Хронология Древнего мира, М., 1975, с. 187. Հին Արևելքի տիրակալների գահակալության տարևթվերը, բացառությամբ Ուրարտուի արքաների, վերցրել ենք այս աշխատությունից:

7 И. М. Дьяконов, Ассиро-вавилонские источники по истории Урарту («Вестник древней истории», 1951, № 2—4) (այսուհետև՝ АВВИУ), № 1.

կործանման հետ, որը տեղի է ունեցել Սուպպիլուլիումա I-ի ժամանակ⁸, Աքքադական արձանագրություններում Աղձնիքը (Ալզե ձևով) առաջին անգամ հիշատակվել է Թուկուլթի-Նինուրթա I-ի (1244—1208 թթ. մ. թ. ա.) արձանագրություններում, որպես մեկը շուբարիական այն երկրներից, որոնք պարտություն են կրել Ասորեստանի արքայից⁹, Աղձնիքը (նույն Ալզե ձևով) հանդիպում է նաև Թիգլաթպալասար I-ի (1115—1077 թթ. մ. թ. ա.) արձանագրություններում, կապված մուշեբրի առաջիադացման, Աղձնիքն ու հարևան երկրները գրավելու և այնտեղ բնակություն հաստատելու հետ, իրադարձություն, որը տեղի է ունեցել Ասորեստանի արքայի գահակալությունից ուշիղ 50 տարի առաջ, այսինքն՝ մ. թ. ա. 1165 թ.¹⁰, Թիգլաթպալասար I-ը իր արշավանքների ու ավարառությունների առնչությամբ հետագայում էլ մի քանի անգամ հիշատակում է Աղձնիքը (միևնույն Ալզե ձևով)¹¹,

Աղձնիքը (Ալզե ձևով) հանդիպում է ավելի ուշ շրջանում ևս՝ Ադադներարի II-ի (911—891 թթ. մ. թ. ա.)¹², Սալմանասար III-ի (858—824 թթ. մ. թ. ա.)¹³ արձանագրություններում, Ասորեստանի էպոնիմների քարակոթողների վրա¹⁴ և Սարգոն II-ի (721—705 թթ. մ. թ. ա.) լրտեսների զեկուցագրերում¹⁵, Իսկ Աշուրնափիսարա II-ի (883—852 թթ. մ. թ. ա.) արձանագրություններից մեկում, Աղձնիքը նշված է ոչ թե ընդունված Ալզե, այլ Ալշա ձևով¹⁶, Տվյալ տեղանունը, ամենայն հավանականությամբ, ծագում է խեթական Ալշե>*Ալշա ձևից, «լ» և «շ» հնչյունների առնմանության հետևանքով՝ Ալշե>*Ալշա>Աշշա:

Աղձնիքը հիշատակվում է նաև ուրարտական աղբյուրներում՝ Այսպես, Ուրարտուի հզոր արքաներից մեկը՝ Մինուան (810—786 թթ. մ. թ. ա.), Աղձնիքը (միևնույն Ալզե ձևով) հիշատակում է կրկնօրինակ երկու արձանագրություններում, կապված Հայկական լեռնաշխարհի հարավ-արևմուտքում իր կատարած նվաճումների հետ¹⁷: Սակայն Մինուան մի ուրիշ արձանագրության մեջ, որը, հավանաբար, մեղ չհասած նրա տարեգրության հատվածներից մեկն է¹⁸, Աղձնիքը հիշատակում է Ալզինե ձևով¹⁹, այսինքն, ուրարտերենի՝ պատկանելություն ցույց տվող -ինե ածանցով. Ալզե+ինե=Ալզինե, որն առհասարակ բնորոշ է ուրարտերենին՝ Հենց այս ձևից էլ հետագայում հայերենի տեղանվանակերպում -ք հոգնակիության ցուցիչով և ձայնավոր -ի- միջաձանցով, ինչպես նաև զ> ձ փոփոխության, որը հատուկ է ուրարտա-հայկական անցումային շրջանին, և լ>ղ հնչյունափոխության, որը բնորոշ է հին հայերենին, ստացվում է հետագայի Աղձնիք ձևը. Ալզե+ինե>Ալզինե, Ալզինե+ի-ի-ք>*Ալզինիք>*Ալձինիք>*Ալձընիք>*Ալձնիք>*Աղձնիք:

Մեզ հասած դրավոր տվյալներով կարելի է մոտավորապես պարզել, թե ինչ տարածք է ունեցել Աղձնիքը սեպագիր շրջանում: Օրինակ, Թիգլաթպալասար I-ը, հիշելով մուշեբրին, ասում է, որ նրանք, իջնելով Ալզե երկրի լեռնե-

⁸ АВИИУ, № 1, ծան. 18.

⁹ АВИИУ, № 3, 4, 5, 6, 7.

¹⁰ АВИИУ, № 10 (I, տող 62 և հաջ.).

¹¹ АВИИУ, № 10 (II, տող 89 և հաջ.), 11, 12.

¹² АВИИУ, № 21.

¹³ АВИИУ, № 28 (տող 35 և հաջ.).

¹⁴ АВИИУ, № 40 (д, е).

¹⁵ АВИИУ, № 50 (նամակ № 4).

¹⁶ АВИИУ, № 23 (III, տող 92 և հաջ.), ծան. 61.

¹⁷ Г. А. Меликишвили, Урартские клинообразные надписи, М., 1960 (լրացումները նայել՝ «Вестник древней истории», 1971, № 3, 4) (այսուհետև՝ УКН), № 372, տող 22, 24, № 373, տող 20, 23.

¹⁸ УКН, էջ 150.

¹⁹ УКН, № 28, лс., տող 8.

րից, անցնում են Տիգրիս գետը և նվաճում Կադմուխե երկիրը²⁰։ Սա նշանակում է, որ Ալլեի հարավային սահմանը անցնում է Արեւմտյան Տիգրիս գետով և համապատասխանում է Աղձնիք աշխարհի հարավային սահմանագծին։ Այնուհետև հայտնի է, որ մուշքերը Եփրատի վրայով են մուտք գործել Հայկական լեռնաշխարհի հարավ-արեւմտյան մասը²¹։ Ուստի ենթադրում ենք, որ Աղձնիքի արեւմտյան սահմանը անցել է հենց Եփրատ գետով։ Ինչ վերաբերում է Աղձնիքի հյուսիսային սահմանին, ապա փաստերով հաստատվում է, որ այն անցել է Հայկական Տավրոս լեռնաշղթայով։ Այսպես, Սալմաստար III-ը, Աղձնիքի տարածքով մտնելով Արածանիի հովիտը, վկայում է, որ անցել է Ալլեի երկրի լեռնանցքով²²։ Եվ քանի որ այդ լեռնանցքը գտնվել է Հայկական Տավրոսի արեւմտյան հատվածում՝ Մովս լճի մոտակայքում, ապա կարելի է, եղբայրացնել, որ Աղձնիքի հյուսիսային սահմանի արեւմտյան հատվածը, իրոք, եղել է Հայկական Տավրոսի համապատասխան վայրը։ Սակայն, պետք է նկատի ունենալ, որ միևնույն լեռնանցքը կոչվում է նաև Ենգիտե երկրի լեռնանցք²³։ Հետևաբար, այն ընկած է Ալլեի (Աղձնիք) և Ենգիտեի (Անձիտ) երկրների միջև ու բնականաբար կոչվելու էր երկուսի անունով էլ, նայած թե ո՞ր երկրի կողմից էին մոտենում նրան։ Եվ քանի որ Ենգիտե երկիրը գտնվել է Իշուա երկրի կազմում²⁴, իսկ Իշուան իր հերթին աւարածվել է Արածանիի ստորին սովադյանում²⁵, ապա ինքնըստինքյան Ենգիտե երկիրը գտնվել է Հայկական Տավրոսից հյուսիս ընկած հատվածում, հիշյալ լեռնանցքի մոտ։ Ուստի Ալլեի երկիրը գտնվել է այդ լեռնանցքի մոտ, այն է՝ Հայկական Տավրոսի արեւմտյան հատվածից հարավ ընկած տարածքում։ Ինչ վերաբերում է Ալլեի երկրի հյուսիսային սահմանի արեւելյան հատվածին ու արեւելյան սահմանին, ապա դրանք որոշվում են հստակորեն և իրենց մանրամասնությունների մեջ զարմանալիորեն համընկնում են հետագայի Աղձնիքի համապատասխան սահմանների հետ։ Այսպես, օրինակ, հայտնի է, որ Մինուան իր երկու համանման արձանագրություններում հիշատակում է Կուտումե քաղաքի կործանումը, այնուհետից Ալլեի երկրի նվաճումը և հիշյալ Կուտումե քաղաքի համար ամրոցի կառուցումը²⁶։ «Կործանեց Կուտումե (քաղաքը), գրավեց Ալլե (երկիրը) <...> կառուցեց ամրոց Կուտումե (քաղաքի) համար»²⁷, Հետևաբար մենք այստեղ ունենք երեք առանձին հասկացություն. այն է՝ Ալլեի երկիր, Կուտումե բնակավայր և Կուտումե բնակավայրի նորաշեն ուրարտական ամրոց։ Բարեբախտաբար, այս եռյակ հասկացությունը միևնույն ձևով կրկնվում է հայկական աղբյուրներում։ Հայտնի է, որ Գագիկ Արծրունին (908—943 թթ.), տեսնելով «...ամրոց մի յիշխանատանն Աղձնեաց ի գեօղն Կուտում կոչեցեալ»²⁸, քանդել է տալիս այդ ամրոցը և նրա սրբատաշ քարերը նախ ցամաքով հասցնում լճավի, ապա նավակներով տեղափոխում 180 կմ հեռավորության վրա գտնվող Աղթամար կղզին և 915—921 թթ. կառուցում Աղթամարի հրաշակերտ Սուրբ Խաչ

20 АВИИУ, № 10 (I, տող 62 և հաջ.).

21 О. О. Карагезян, Фракийцы на юго-западе Армянского нагорья («Պատմա-գանասիրական հանդես», 1981, № 1, էջ 217—233).

22 АВИИУ, № 28 (տող 35 և հաջ.).

23 АВИИУ, № 28, ծան. 1:

24 АВИИУ, № 27 (II, տող 40).

25 АВИИУ, № 10, ծան. 36:

26 УКН, № 372, տող 24, 25—26, № 373, տող 22—23, չմ:

27 Հ. Հ. Կարապետյան, Ուրարտական աղբյուրները Հայկական լեռնաշխարհի և հարե-վան պետությունների մասին (սՀայ ժողովրդի պատմության քրեստոմատի, Երևան, 1981, արձ. № 15, էջ 33):

28 «Թոժվմայի վարդապետի Արծրունու Պատմութիւն տանն Արծրունեաց», Տփլիս, 1917, էջ 484:

եկեղեցիներն²⁹, եվ եթե Ալզե երկիրը Աղձնիքն է, ինչպես ասվեց վերևում, ապա միայն մնում է հիշել ուրարտագիտության մեջ հիմնավորապես ապացուցված և ընդունված այն տեսակետը, ըստ որի Ալզե երկրի Կուտումն բնակավայրը հետագայի Աղձնիքի Կոտոմ գյուղն է, իսկ Կուտումն բնակավայրի ուրարտական ամրոցը՝ Կոտոմ գյուղում Գագիկ Արծրունու տեսած և քանդած ամրոցը³⁰, Ընդ որում, Կոտոմ գյուղը գոյություն է ունեցել նաև հետագայում (սերկու այս գեղը Թուխ և Կոտոմ նովին անուամբ կան մինչև ցայսօր՝ ոչինչ հետի ի ծովէն Բզնունեաց)³¹, ինչպես և կա մեր օրերում³², Հետևաբար, Ալզե երկրի հյուսիսային սահմանի արևելյան հասվածք անցել է Կուտումն բնակավայրի մոտակայքով, ճիշտ այնպես, ինչպես հետագայում Կոտոմ բնակավայրը եղել է Աղձնիքի համար, Ընդ որում, ինչպես որ Կուտումն բնակավայրն է գտնվել Ալզե երկրի կազմում, այնպես էլ Կոտոմ գյուղը գտնվել է Աղձնիք նահանգի սահմաններում: Իսկ սա շատ կարևոր հանգամանք է ճշտությամբ որոշելու ոչ միայն Ալզե երկրի հյուսիսային սահմանի արևելյան հատվածը, այլև դրան հարող վայրերի սահմանները: Ուստի, եթե Ալզե երկրի հյուսիսային սահմանի արևմտյան հատվածը անցնում էր Հայկական Տավրոսի արևմտյան մասով, և հյուսիս-արևելքում Կուտումն բնակավայրը գտնվում էր նույնպես նրա սահմաններում, ապա կարելի է եզրակացնել, որ Ալզե երկրի հյուսիսային սահմանը անցնում էր հենց Հայկական Տավրոսով: Արևելյան սահմանը հավանաբար անցնելու էր Կուտումն (Կոտոմ) բնակավայրից մինչև Արևմտյան և Արեւելյան Տիգրիսների միախառնման շրջանը, մոտավորապես այնպես, ինչպիսին որ եղել է հետագայում Աղձնիքի արևելյան սահմանը:

Այսպիսով, սեպագիր աղբյուրների տվյալները ցույց են տալիս, որ հնագույն Ալզե կամ Ալզինե երկրի տարածքը գրեթե նույնությամբ համընկնում է Մեծ Հայքի Աղձնիք նահանգի տարածքի հետ, և նրա սահմանները ավելի քան 1200 տարվա ընթացքում (մ. թ. ա. VIII—մ. թ. IV դդ.) մեծ փոփոխություն չեն կրել:

Հարկ ենք համարում ստորև ներկայացնել Աղձնիքի տարածքի ավելի փոքր «երկրների» մի շարք բնակավայրեր (քաղաքներ, ամրոցներ, գյուղեր): Անգանու—Հիշատակում է Թիգլաթպալասար III-ը (745—724 թթ. մ. թ. ա.)³³, Համարվել է Ուրարտուի ամրոցներից մեկը և, հավանաբար, զբաղվել է ներկայիս էնեներ բնակավայրի տեղում³⁴:

Աջուրիֆիշա—Հանդիպում է Թիգլաթպալասար III-ի արձանագրություններում: Այն կառուցել է Թիգլաթպալասար III-ը և ինքն էլ այդպես անվանել³⁵, Քաղաքը գտնվել է Արևմտյան Տիգրիսից հյուսիս, հետագայի Բաղնի գետի ավազանում: Նրա անունը պահպանվել է Աղձնիքի Քիշ քաղաքի անվան մեջ³⁶:

Ինեգզու—Նշվում է նույն Թիգլաթպալասար III-ի մոտ³⁷, Նույնպես համարվել է Ուրարտուի ամրոցներից մեկը: Հավանաբար գտնվել է Շուբրիայի տարածքում³⁸:

²⁹ Н. М. Токарский, Архитектура Армении, IV—XIV вв., Ереван, 1961, с. 212.

³⁰ О. О. Карагезян, Город Кутуме урартских источников («Պատմա-բանասիրական հանդես», 1974, № 3, էջ 191—192).

³¹ Գ. Ին ճ ի ճ յ ա ն, Ստորագրություն հին Հայաստանից, Վենետիկ. 1822, էջ 86, ծան. 1:

³² Y. M. Thierry, Monastères Arméniens du Vaspurakan, VI (Revue des études Arméniennes, Nouvelle Série, t. IX, Paris, 1972, տախտ. XXXV, էջ 156—ից հետո).

³³ АВИИУ, № 42 (տող 28 և հաջ.).

³⁴ АВИИУ, («Вестник древней истории», 1951, № 4, с. 284).

³⁵ АВИИУ, № 42 (տող 28 և հաջ.).

³⁶ Ս. Ս. Երեմյան, Հայաստանը ըստ «Աշխարհացոյց»-ի, Երևան, 1963, էջ 89, 114:

³⁷ АВИИУ, № 42 (տող 28 և հաջ.).

³⁸ АВИИУ, № 50 (32, ծան. 3).

Իրիդու—Սալմանասար I-ի (1274—1245 թթ. մ. թ. ա.) արձանագրություններում հիշվում է որպես Միտաննի պետության ամրոց³⁹, Գտնվել է Արևմտյան Տիգրիսի և նրա հյուսիսային վտակ Քադիք (Բաթման) գետի միախառնման շրջանում⁴⁰, Հետագայում այս ամրոցի մասին որևէ տեղեկություն չի պահպանվել:

Թաիդու—Սալմանասար I-ի արձանագրություններում նշվում է որպես Միտաննի պետության ամրոցներից մեկը⁴¹, Վկայված է նաև Սշուրնաժիրապալ II-ի մոտ (Թիդու ձևով) որպես Նաիրի երկրի ամրոց⁴², Գտնվել է Արևմտյան Տիգրիսի հյուսիսային ափին, Ամիգից (Դիարբեքիր) արևելք⁴³, Ավելի ուշ շրջանում չի հիշատակվում:

Կուտումե—Ասվեց, որ հիշատակվում է Մինուայի կրկնօրինակ արձանագրություններում⁴⁴, Գտնվել է Աղձնիքի հյուսիս-արևելյան ծայրամասում և տեղով ու անվամբ համապատասխանում է հետագայի Կոտում բնակավայրին⁴⁵, Մինուայի մոտ նշված են Աղձնիքի տարածքում գտնվող մի շարք այլ բնակավայրեր ևս՝ Կալիբիլա, Արպուլա, Խուլմերու, Նրունե, Կիրպունունե⁴⁶, բայց դրանց կոնկրետ տեղը հայտնի չէ:

Նեխերիա—Հիշատակվում է Սարգուրե II-ի (764—735 թթ. մ. թ. ա.) Գանձադան տարեգրության մեջ⁴⁷, Նշել է Աղձնիքի տարածքում ավելի ուշ կազմակերպված Արմե պետական միավորի քաղաքներից մեկը, հավանաբար մայրաքաղաքը: Ավելի հնում Նիխիրյա ձևով հիշատակված է Խաթթուաի-լի III-ի (XIII դ. մ. թ. ա.) կողմից՝ Ուրխի-Թեուպի և Մեխրի երկրի թագավորի կնքած պայմանագրում⁴⁸, Գտնվել է հետագայի Նփրկերտ քաղաքի տեղում, որից էլ ծագում է Նփրկերտի անունը⁴⁹:

Սադդաուերի—Նշում է միևնույն Թիգլաթպալասար III-ը՝ Աշուրիքիշա քաղաքի հետ միասին⁵⁰: Այն գտնվել է Արևմտյան Տիգրիսի հյուսիսային ափին և ինչպես տեղով, այնպես էլ անվամբ համընկնում է այժմյան Սարգեվա (Սարգեբար) բնակավայրի հետ⁵¹: Միևնույն արձանագրության մեջ վկայված են այլ բնակավայրեր՝ Քաշթիրու, Պարիսու, Մանտուպա և այլն⁵², Բայց դրանք ևս տեղորոշված չեն:

Ուպումե—Հիշատակվում է Սալմանասար III-ի արձանագրություններում (որպես Անխիթթե Շուբրիացու քաղաք⁵³) և Ասարիադդունի (680—669 թթ. մ. թ. ա.) մոտ⁵⁴, Ուպումեն, որ եղել է Շուբրիայի կենտրոնը, այսինքն մայրա-

39 АВИИУ, № 1, ծան. 9.

40 АВИИУ, քարտեզ՝ էջ 1-ից առաջ, ենթադրվում է, սակայն, որ Իրիդու ամրոցը գտնվել է Արևմտյան Տիգրիսի վրա՝ ներկայիս Ռնդլան բնակավայրի տեղում (տե՛ս Նիկողայոս Ադոնց, Հայաստանի պատմություն, Երևան, 1972, էջ 228):

41 АВИИУ, № 1, ծան. 9, № 26, օս, տող 36 և հաջ., ծան. 45.

42 АВИИУ, № 26, օս, տող 36 և հաջ.:

43 АВИИУ, № 26, ծան. 45.

44 УКН, № 372, տող 24, 26, № 373, տող 23, 25.

45 О. О. Карагезян, Город Кутуме урартских источников, с. 191—192.

46 УКН, № 28, օս, տող 6—10.

47 УКН, № 156, ДІ+ДІІ, տող 12.

48 В. Н. Хачатрян, Восточные провинции Хеттской империи, с. 106, 107, 162,

163.

49 Б. Б. Пиотровский, О происхождении армянского народа, Ереван, 1946, с. 9, 20, 27.

50 АВИИУ, № 42 (տող 23 և հաջ.).

51 E. Forrer, Die Provinzeinteilung des Assyrischen Reiches, Leipzig, 1920, S. 85.

52 АВИИУ, № 42 (տող 23 և հաջ.).

53 АВИИУ, № 29.

54 АВИИУ, № 67 (ե, ж), № 69 (ա, 1).

քաղաքը, գտնվել է Սասունի լեռներում՝ բյուզանդական շրջանի Աֆումոն բնակավայրի տեղում, որն այժմ կոչվում է Աֆում⁵⁵,

Ուայայս—Հիշատակվում է Սարգոն II-ի տարեգրություններում⁵⁶ և Աշուր աստծուն ուղղված ուղեբժում⁵⁷, որը գրված է մ. թ. ա. 714 թ. դեպի Ուրարտու կատարված արշավանքի կապակցությամբ։ Ուայայս ամրոցը գտնվել է Աղձնիքի տարածքում, սակայն նրա կոնկրետ տեղը հայտնի չէ։ Ծղել է Ուրարտուի սահմանային նահանգներից մեկի (անշուշտ, Աղձնիքի կամ նրա արևելյան հատվածի) կենտրոնը։ Այն Ռուսա I-ի (735—713 թթ. մ. թ. ա.) սմե-նախոշոր ամրոցներից մեկն էր⁵⁸, Հենց հիշյալ ամրոցի շրջակայքում էին գտնվում Բարզուրիա, Վալտուկույա, Կութթա, Կիսլա և Ասապա ամրոցները⁵⁹, որոնց ճշգրիտ տեղագրությունը մեզ անհայտ է։

Ուտուսուաճի—Գիսական գրականության մեջ նույնացվել է Սասուն բնակավայրի անվան հետ⁶⁰,

Քուլիմեռե—Հիշատակվում է Թիգլաթպալասար III-ի արձանագրություններում⁶¹, Ասարխադդոնի մոտ⁶² և Աշուրբանապալի (668—633 թթ. մ. թ. ա.) գլանաձև արձանագրության մեջ⁶³։ Քուլիմեռե քաղաքը եղել է Շուրիայի նշանավոր բնակավայրերից մեկը, որը գտնվել է Ուպումեից հարավ, ավելի կոնկրետ՝ Արևմտյան Տիգրիսի հյուսիսային վտակ Բաթման գետի արևմտյան ափին, Նիդիկերտի մոտակայքում⁶⁴։ Քուլիմեռե անունը հետադադում պահպանվել է հայկական Քղիմար քաղաքի անվան մեջ⁶⁵,

Հին Արևելքի գրավոր աղբյուրներում հիշատակվում են նաև այլ բնակավայրեր (օրինակ, Շուրիայի Մուրարրի, Արինու, Թուրխու, Զադուրի, Մարխուխա կամ Մարքուխա և այլ քաղաքներ ու ամրոցներ)⁶⁶, որոնք թերևս գրտնրվել են Աղձնիքում կամ նրա մոտակայքում։ Հետագա մասնագիտական ուսումնասիրությունները ցույց կտան, թե դրանցից որ մեկը կարելի է համարել Աղձնիքին պատկանող բնակավայր։

АЛДЗНИК В КЛИНОПИСНЫЙ ПЕРИОД

РАФИК НАГАПЕТЯН

Резюме

Данные клинописных, а также армянских источников свидетельствуют, что область Алзе—Алдзник занимала почти одну и ту же территорию. Ее границей с севера была горная цепь Армянский Тавр, с юга—

⁵⁵ АВИИУ, № 29, ծան. 1.

⁵⁶ АВИИУ, № 46 (տող 116 և հաջ.).

⁵⁷ АВИИУ, № 49 (տող 297 և հաջ., 306 և հաջ.).

⁵⁸ АВИИУ, № 49. (տող 297 և հաջ.).

⁵⁹ Thureau-Dangin, Une Relation de la huitième Campagne de Sargon, Paris, 1912, տող 304.

⁶⁰ Ն. Ա գ ո ն ց, Հայաստանի պատմություն, էջ 200.

⁶¹ АВИИУ, № 43.

⁶² АВИИУ, № 67 (н), № 68 (а, 1).

⁶³ АВИИУ, № 73.

⁶⁴ E. Forger, Նշվ. աշխ., էջ 87.

⁶⁵ Նույն տեղում։

⁶⁶ Գ. Ն. Ս ա ր գ ո յ ա ն, Շուրիայի հասարակարգը, պետական կարգը և բնակավայրերը («Բանբեր Երևանի համալսարանի», 1976, № 3, էջ 29)։

Западный Тигр, с востока—район слияния Западного и Восточного Тигра, с запада—река Евфрат. В политическом и этническом отношении в данном регионе Армянского нагорья больших изменений не происходило.

На основании первоисточников и специальной литературы можно констатировать, что большая часть топонимов Алзе—Алдзника дошла до нас в неизменном виде, а это означает, что этнический состав данного региона не претерпел сильных изменений. Дошедшие до нас топонимы следующие: Алзе (Алзине)—Алдзник, Ангану—Энджене, Ашшури-киша—Киш, Кутуме—Котом, Нехерия—Нпркерт, Сардаурри—Сардебар, Упуме—Афумон, Усусуани—Сасун (?), Куллимере—Кгимар и т. д. Часть топонимов Алзе—Алдзника, к сожалению, до нас не дошла.